

IREE

TSANGAMBATON'ANDRIAMANITRA VOASEDRAN'NY FOTOANA

 Ary diniho fotsiny izany, amin'ny alàlan'ny Baiboly, araka ny fomba izay isika . . . nakanareo ny Bokin'ny Apokalypsy, sy ny Bokin'ny Eksodosy ary Genesisy. Ary ankehitriny dia tonga ato an-trano aho mba handeha hihaza vontsira. Mahitsy fo izany. Izay fotsiny ihany no misy amin'ilay izy, ny ho mahitsy fo fotsiny. Ary, Rahalahy Roy, rahoviana ianao no handeha? [Hoy Rahalahy Roy hoe, "Rahampitso."—Mpand.] Rahampitso. Eny àry. Noho izany dia tianay fotsiny ny tonga any an-trano amin'ity fotoan'ny taona ity, noho izany, ilay izy dia, te-hiala sasatra izahay.

² Nahavery roapolo livatra aho hatramin'ny nahitako anareo. Niakatra teo amin'ny mizàna aho, rehefa niala avy tamin'io fivoriana io, dia nilanja dimy amby enimpolo amby zato; ary niverina, nilanja dimy amby efapolo amby zato. Noho izany, toa latsaka ambany ny akanjoko. Noho izany, dia nahavery lanja betsaka aho.

³ Ary ramatoa iray, androany, nivoaka, anabavy maha-te-ho tia, hoy izy hoe, "Ranadahy Branham, mivavaha mba ahafahako mahavery an'izany, ihany koa."

⁴ Ary eo amin'ilay lafiny matanjaka kely izy, ka niteny taminy aho hoe, "Tongava fotsiny, mandehana, mitoria mafy mihitsy." Noho izany, saiky izay ihany no fantatro, azo antoka fa izany no hampidina an'ilay izy. Fa, tsy ho ela dia hahavita an'ireo olana sy fizahan-toetra isika.

⁵ Nieritreritra mikasika ny miha-antitra aho. Fantatrareo, roa taona amboniny, dia ho dimampolo aho. Fioo! Tsaroako rehefa nametraka i Frankie Weber. Saiky antitra roa taona noho izaho fotsiny izy. Nametraka ny ampahefany izy ho an'ny fanatirity ny tsingerin-taona nahaterahany, teto. Ary nakatoko ny masoko, ka nieritreritra aho hoe, "Oadray, Frankie Weber, dimy amby roapolo taona, ampahefatri ny zato!" Antsasany ilay izy ankehitriny. Tsy maharitra ela fotsiny, sa tsy izany? Mandeha manohy avy hatrany fotsiny.

⁶ Tsy hijanona ela isika. Aninkeo maraina fotsiny, rehefa nitondra an'io hafatra miavaka indrindra io ny rahalahy malalantsika, dia azoko antoka fa nankasitraka an'izany isika rehetra. Ary sendra nieritreritra zavatra aho rehefa nitory teny izy, tery aoriana tery, ary nieritreritra aho hoe, "Angamba

mety hanome ahy Soratra iray ho an'izany ny Tompo." Nasaiko namaky ny sasany izy izao hariva izao avy tao amin'ny Tenin'Andriamanitra voatahy. Ary ankehitriny aho...minitra vitsy monja hiresahana, ary avy eo dia hivavaka ho an'ny marary isika, toy ny mahazatra.

⁷ Ary amin'ny Alarobia hariva, Alarobia hariva ho avy izao, raha avelan'ny Tompo, dia tiako ny hanomboka ao amin'ny Bokin'ny Hebreo, raha mety izany. Ary ny Bokin'ny Hebreo, ho lesona iray. Ary avy eo, angamba, amin'ny Alahady maraina na Alahady hariva, dia hanohy eo amin'izany. Avy eo ny Alarobia hariva manaraka, angamba dia haka an'izany indray, hanohy handinika fotsiny, ao amin'ny Soratra.

⁸ Ary misy zavatra sasany izay voamariko tato ampiangonana, raha mandalo fotsiny aho, izay heveriko fa tokony hampianarina kely, fantatrareo, zavatra toa mihamalemy kely. Ary heveriko fa afaka maka an'izany isika eo amin'ny Hebreo. Izany dia to—toko iray tena tsara izany, toerana tena tsara hovakiana. Ankehitriny, Rahalahy Neville...Izaho dia handeha...Tonga ao an-tsaiko izany, rehefa tonga aho.

⁹ Ary ny Testamenta Vaovao fotsiny no ananako eto, ary mamaky avy ao amin'ny Baiboly Collins iray aho, lehibe kokoa ilay printy. Izaho dia...Taorian'ny nahazoako saiky dimampolo, dia tsy maintsy manosika azy lavitra ahy be loatra aho, mba hamakiana an'ity printy tena tsara ity; ratsy hazavana ilay izy, na ahoana na ahoana. Ary mivoaka amin'ny taramsaoandro aho ary mbola mamaky azy foana. Fa rehefa lasa mahattra kely ny hazavana, dia tsy maintsy mampanalavitra azy aho. Ary niteny tamiko ny dokotera fa tsy ho ela dia banana solomaso famakian-teny iray aho.

Ary nanontaniako izy hoe, "Ratsy ve ny masoko?"

¹⁰ Ary nitsapa azy ireo izy. Hoy izy, "Tsia. Folo-folo, tena tsara faratampony izany. Roapolo-roapolo no ara-dalàna, ary—ary dimy ambin'ny folo-dimy ambin'ny folo no tsara kokoa." Ary folo-folo, dia, izany ihany no azony namakiana an'ilay izy. Noho izany dia afaka namaky aho na taiza na taiza nilainy, tamin'ny halavirana iray. Namoaka zavatra izy, ary nanomboka namaky an'ilay izy aho. Rehefa nanakaiky kokoa izy, dia nihamiadana sy niha-miadana aho. Nijanona aho rehefa tonga saiky tahaka an'izao fotsiny ilay izy. Hoy izy hoe, "Oh, hia, nihoatra ny efapolo ianao."

Dia hoy aho hoe, "Hia."

¹¹ Hoy izy hoe, "Eny, amin'ny ara-boajanahary, dia lasa fisaka ireo voamasonao." Hoy izy, "Ankehitriny, raha miaina fiainana tsara, lava iray ianao, dia hahita ny fahitanao faharoa, manantena aho. Amin'izay fotoana izay dia afaka mamaky indray ianao."

¹² Saingy, fantatrareo, nieritreritra fotsiny aho, tsy lavitra loatra izany, tamin'izany. Vetivety fotsiny. Rahalahy Tony, ratsy izany, sa tsy izany? [Hoy Rahalahy Tony hoe, "Tsia."—Mpand.] Tsia, tsy izany ilay izy. Žavatra voatahy izany. Miha-antitra aho, amin'ny lafiny iray, ary amin'ilay iray hafa dia miha-tanora, satria mankany amin'io vatana tanora, tsy mety maty, voatahy io aho, izay, rahalahy, tsy hisy na inona na inona ratsy Any. Ary miaina amin'io fotoana io fotsiny aho. Hahafinaritra izany.

¹³ Ankehitriny, alohan'ny hamakiako an'ilay lahateny famaranana farany, dia teny iray ho Azy fotsiny raha manondrika ny lohantsika isika.

¹⁴ Mino izahay, Andriamanitra Tsitoha, fa ny ho sambatra no Kasainao ho an'ireo Zanakao. Tsy natao ho anay ny ho sosotra sy halahelo, fa voasoratra, hoe, "Ny fo ravoravo dia mahasoa toy ny fanafody." Ary tianay ny hisitraka an'ireo Fitahianao sy ny hanana an'ity fiombonana lehibe miaraka ity. Ary izahay raha...

¹⁵ Amin'ny maha-mpino Ny Teninao, dia miombona manodidina ny Teny izahay. Ho an'izany no ahatongavanay eto, tsy ny hihaino Hafatra iray fotsiny, fa ny hivavaka sy hiombona Aminao, amin'ny alàlan'ny famakiana sy ny fitoriana ny Teny. Ankehitriny, Tompo, tsy handiso fanantenana anay Ianao. Azoko antoka fa hitahy anay Ianao amin'ireto ora ireto.

¹⁶ Tahio ny pasiteranay hajaina sy tsara, Tompo. Mivavaka izahay mba Hombanao azy. Ary araka ny nanamarihako azy androany, tao amin'ny toriteniny, ary nahita azy raha nitsiky izy rehefa nihira an'io hira io hoe, "Tsy ho ela dia hahavita an'ireo olana sy fizahan-toetra aho." Ary ireo anabavy ireo, ary ahoana no nihirany an'izany tao anatin'ireo kirihitr'ala sy ireo fivoran'ny toby. Ary ho vita izany, indray andro any, ary avy eo dia mankany amin'io Fitsaharana be voninahitra io.

¹⁷ Ankehitriny, Ray, tahio izahay raha mamaky Ny Teninao, sy namaky Azy, ary namelombelona ny sainay sy ny fonay. Ary miresaha aminay, izao hariva izao. Ary rehefa mifarana ny fotoana, ka manomboka hankany an-tranonay izahay, dia enga anie izahay hanao hoe, "Tsy nangorakoraka tao anatintsika ve ny fontsika raha niresaka tamintsika Izy teny an-dàlana?" Fa mangataka an'izany amin'ny Anaran'i Jesosy izahay. Amena.

¹⁸ Ankehitriny miaraka amin'ny hafatra ara-pilazantsara iray tena tsara tahaka ny nananantsika aninkeo maraina, ary nieritreritra aho, fa, fantatrareo, niresaka tamiko mikasika ny famahanana tafahoatra an'ireo ankizy Rahalahy Neville. Izay, vitanareo. Fa ankehitriny, izao hariva izao, dia resaka kely fotsiny isika ho an'ny fiangonana. Resaka iray ho an'ny fiangonana fotsiny ity. Ary maniry aho ny hamaky ny... ampahany hafa an'ny Soratra, ao amin'ny Testamenta Vaovao,

Matio ny toko faha-24, ary ny andininy faha-35, Jesosy no miteny.

Ny lanitra sy ny tany ho levona, fa ny teniko tsy mba ho levona.

¹⁹ Ny lohahevitro izao hariva izao dia ireo—ireo tsangambato: *Ireo Tsangambaton'Andriamanitra Voasedran'Ny Fotoana.*

²⁰ Ary manana filazana vitsivitsy aho. Mino aho fa efa nataoko izany, ho an'ny . . . ary ny sasany eto izay . . . mikasika ny favoriana hatomboka amin'ny Hebreo, ny toko faha-1, amin'ny Alarobia hariva, raha sitrakny Tompo. Ny antony tsy maintsy hilazako an'izany, fa, tahaka ny, ireo favoriako, dia afaka ny ho any amin'ny toerana iray aho, nefo Izy hiantso ahy ho any amin'ny iray hafa. Tsy maintsy mandeha fotsiny aho araka ny Iantsoany, fantatrareo.

²¹ Izany no antony tsy hahafahako hitovy amin-dRahalahy Oral Roberts sy ireo lehilahy ireo izay nametraka ny favoriany roa na telo taona mialoha, ary, “Ho any izahay,” ary ireo lehilahy matanja-pinoana goavana ireo. Izy ireo—izy ireo—manana ny hafany izy ireo.

²² Fa ny Hafatiro dia na aiza na aiza anirahan'Andriamanitra fotsiny, na eto ilay izy, any, na aiza na aiza izany. Tsy maintsy mandeha fotsiny aho rehefa maniraka Izy. Ary asam-panompoana roa samihafa izany; izao fotsiny, ilay Andriamanitra iray ihany, ilay tena Andriamanitra iray ihany mihitsy.

²³ Nieritreritra aho, omaly, tamin'ny resako tamin'ny zazalahy mpiara-monina iray. Ary hoy izy hoe, “Fantatrao, pasitera kely anankiray,” hoy izy, “tena lehilahy mahafinaritra izy.” Hoy izy, “Nipetraka niaraka tamin’ny pyjama izaho sy ny vadiko,” ary hoy izy, “teo amin’ny iraika ambin’ny folo tamin’ny alina, ary nandalo izy ka nandondôna teo am-baravarana. Hoy izy, ‘Mandalo fotsiny aho mba hahazo kafe iray kaopy miaraka aminareo.’” Hitanareo? Ary hoy izy, “Nanapaka teo ampitan’ny lâlambe izy, nankany amin’lay mpiara-monina hafa, ary efa saiky vonona ny handeha hatory izy ireo, ary nihinana mofomamy teo izy. Ary izao fotsiny . . .” Dia hoy izy hoe, “Izy dia—nanana sekoly Biblika kely iray ho an’ny ankizy izy, ary nanana zanaka kely maro tany, izy sy ny vadiny, hany ka tsy maintsy nametraka tranolay teo ivelany izy ireo, mba handraisana an’ireo ankizy.”

²⁴ Ary niverina aho, na nanomboka nieritreritra hoe, “Fantatrao, marina izany. Izany, izany dia—lehilahy kely mahafinaritra iray izany.” Ary mino aho, Rahalahy Fleeman eto, mino aho fa mandeha any amin'ny Fianganana Faith Lutheran eto ny zananilahy, lehilahy kely mahafinaritra iray sy ny vadiny, manao asa lehibe ho an’ny Tompo izy ireo. Ary nieritreritra aho . . . Tsy maintsy nanasa ny fiarako aho, ary izaho—lasa kivy

aho. Nieritreritra aho hoe, “Nahoana aho no tsy afaka manao an’izany, hitanareeo, mandehandeha, maka ny ankizy rehetra, ary manaraka ahy manerana? Tiako ireo ankizy. Ary nahoana aho no tsy afaka mitety trano, avy amin’ny andry mankany amin’ny tsato-kazo, tahaka an’izany?”

²⁵ Ary nisy Zavatra fotsiny nanao tamiko hoe, “Tsy nantsoina ho amin’izany ianao. Manao izay notenenin’Andriamanitra taminy fotsiny izy.”

²⁶ Fa tsy maintsy manana olona mitsangana eto isika, tahaka an’i Oral Roberts sy izy ireo, Josoa iray manana sabatra iray, miaraka amin’ny Hafatry ny finoana sy ny fanafahana. Ary, hitanareeo, isika tsy maintsy manana an’ireo izay afaka manana an’ilay... io karazana io, ary ny anankiray dia afaka manana an’ity, fa ny rehetra dia miaraka manao firaisansa goavana anankiray. Izany no Fianganon’Andriamanitra.

²⁷ Niresaka tamin’ny ramatoa tanora iray fotoana vitsy lasa izay, kivy sy torotoro fo. Ary niezaka aho niteny taminy mikasika ny hoe ahoana fa—fa tsy misaraka ny vehivavy iray sy ny lehilahy iray, fa olona iray ihany izy ireo. Ny olona no nanao... Andriamanitra nanao ny olona, lahy sy vavy; lehilahy izy. Marina izany. Ary nanasaraka azy tao amin’ny nofo Izy ka nanao azy ireo ho samihafa, fa nanakambana azy ireo niaraka sy nitaiza ny zanany, ho anankiray. Ary noho izany ny lehilahy, ilay matanjaka sy mahery, ary ny vehivavy dia ilay—ilay—ilay ampanahany’ny fitiavana an’ilay lehilahy. Noho izany, miaraka izy ireo. Izany hoe... Nosarahin’Andriamanitra izy ireo. Saingy olona iray ihany izy roa, 1-e-h-i-l-a-h-y. Ary ny vehivavy dia antsoina hoe avy tamin’ny-lehilahy, marina izany, satria nalaina avy tamin’ny lehilahy izy. Ampahan’ny lehilahy izy. Fa ao—ao amin’ny fiainana teto, ao amin’ny nofo, dia nisaraka izy ireo. Ao amin’ny fanahy, dia iray izy ireo.

²⁸ Ary niresaka momba ny lehilahy nahavery ny fitiavany ny vadiny aho, ary tsy tia azy ireo tahaka ny nataony fony izy ireo mamin’ny fo. Mbà menatra ianareo. Tokony hanao an’izany ianareo. Mamin’ny fonareo foana izy. Tanteraka tokoa. Izany no ampanahy tokony haha-izy azy. Ary tokony hitondra azy tahaka an’izany ianareo. Oh, aza avela hitsahatra mihitsy io volantantly kely io, satria tsy ho izany ilay izy, any An-danitra. Ho anankiray tanteraka fotsiny, Any. Marina izany. Noho izany ny rehetra...

²⁹ Eny, toa tokony hanao “amena” amin’izany ireo vehivavy sasany. Aza mihitsy—aza avela handre mihitsy aho hoe, “Mivazavaza an’ireo vehivavy foana ianao, ary miresaka tahaka an’izany.” Ranabavy Hickerson, nahoana ianao no tsy nilaza zavatra iray, na olona iray ery aoriane ery, milaza...? Nanao ve ianao? [Hoy Ranabavy Cox hoe, “Amena.”—Mpand.] Misaotra anao, Ranabavy Cox. Tena tsara izany. Rahalahy Cox, ho anao

izany, na aiza na aiza misy anao ankehitriny. Eny àry. Eny, tomponko.

³⁰ Ary tsy tokony ho hadinontsika mihitsy ny hifanaja. Aoka ho mamin'ny fo isan'andro. Aza avela hitsahatra mihitsy izany.

³¹ Nanatona ahy ny zazalahy Katolika, vao tsy ela akory izay. Nisaraka ny vadiny. Hoy izy hoe, “Billy, halako ny manatona anao; Katolika iray aho, ary ianao Protestanta iray.” Hoy izy, “Noroahin’ny pretra niala tao an-tranoko aho, vao teo.”

Dia hoy aho hoe, “Inona no olana, ry Ham?”

³² Hoy izy hoe, “Eny, niteny tamiko izy.” Hoy izy, “Misotro kely aho,” ary hoy izy, “amin’ny alina, miasa mafy aho.” Hoy izy, “Mihevitra ny vadiko fa tokony hiditra aho isan-kariva ka hanoroka azy, sy hamihina azy, ary hanao fotsiny toy ny hoe niomana hivady izahay.” Hoy izy, “Nivady izahay ary nanana andian-janaka iray.” Ary hoy izy, “Izahay, izany no fotoana . . .”

³³ Hoy aho hoe, “Hoop, andraso iray minitra, ry tovolahy. Diso ianao. Diso ianao. Izany dia mitovy fotsiny tahaka ny talohan’ny nivadianareo. Hitanao? Tsy maintsy mahatsiaro an’izany foana ianao.” Hoy aho hoe, “Efapolo taona izy ankehitriny, amin’ny fotoana izay ilainy marina tokoa ny fifantohanao.”

³⁴ Noho izany, nanana ny fitsarana fisaraham-panambadiana izy ireo. Ary hoy izy hoe, “Tsy fantattro izay hataoko.”

³⁵ Hoy aho hoe, “Mandehana, antsoy izy. Raha nandeha tany aho, amin’ny maha-Protestanta iray, dia tsy handray ahy izy. Fa izaho . . . Hitanao?”

Hoy izy, “Oh, tia anao izy.”

³⁶ Dia hoy aho hoe, “Izany, mandehana antsoy fotsiny izy, teneno aminy fa nanova ny hevitrao ianao.”

³⁷ Ary noho izany ny ampitso, dia niantso an'ilay mpitsara aho ary niresaka taminy. Ary niteny tamin’ity zazalahy ity aho, hoy aho hoe, “Hipetraka eo ambanin’ny rihana mihitsy aho izay hanomezan’ny mpitsara anao famaizana iray. Hivavaka ho anareo aho. Aza miteny aminy mikasika an’izany.”

“Eny àry.”

³⁸ Noho izany, teo aho, nivavaka. Afaka kelikely dia nandre piapiaka kely sasantsasany aho nidina ny tohatra, ary indro tonga izy ireo, niaraka tamin’ny sandriny nifampisakambina, tsiky fotsiny ny rehetra, fantatrareo. Hoy izy . . . Hoy aho hoe, “Eny, akory, eo!”

³⁹ Dia hoy izy hoe, “Rahalahy Branham, efa elaela izay no tsy nahitako anao!” Hia, telopolo minitra, hitanareo. “Elaela no tsy nahitako anao!”

⁴⁰ Dia hoy izy hoe, “Nahoana, Rev. Branham, efa ela no tsy nahitako anao! Faly mahita anao indray!”

⁴¹ Hoy aho hoe, "Misaotra anao. Nahoana," hoy aho, "toy ny mamin'ny fo ianareo."

"Oh," hoy izy, "tsara fotsiny izahay. Sa tsy izany, malala?"

Hoy izy, "Eny, izany isika, malala." Ary izaho... Hoy izy hoe, "Tongava mba hahita anay indray andro, Reverà."

⁴² Dia hoy aho hoe, "Misaotra anao, betsaka mihitsy." Hoy aho hoe, "Veloma, ianareo!" Lasa, nitodika ilay zazalahy antitra ka nanofahofa, tahaka an'izao. Izany rehetra izany no nitranga. Marina izany.

⁴³ Ny fitiavana mandresy ny zavatra rehetra. Marina izany, izao fotsiny—fitiavana fotsiny. Afaka manana an'ireo famantaranareo sy ny porofo rehetra ianareo, fa omeo fitiavana fotsiny aho. Izany—milamina hatreo izany, ho ahy. Oh, oadray!

Ry Zanak'ondry malala teo am-pahafatesana, Ny Rànao Sarobidy

Dia tsy hahavery ny heriny mihitsy,

Mandra-pahatongan'ilay Fianganan'Andriamanitra navotana rehetra

Ho voavonjy, tsy hanota intsony. (Hitancareo?)

Hatramin'izay dia tamin'ny finoana no nahitako an'io ony io

Ireo Ratranao mikoriana no mamatsy,

Ny fitiavana mahavotra no lahatsoratro,

Ary ho izany mandra-pahafatiko.

Marina izany. Oh, mahafinaritra!

⁴⁴ Ankehitriny, tsangambato voasedran'ny fotoana! Ny nahazoako an'ity hevitra ity aninkeo maraina, dia avy amin'ny hafatsika tao amin'ny sekoly Alahady, hafatra ara-pilazantsara, izay niresahan'ny rahalahintsika mikasika an'i Elia. Teo amin'izay tiany mba... Ireto zazalahy ireto, ireo sekolin'ny mpaminany, ahoana fa te-hanorina karazana sekoly goavana iray izy ireo. Ary tonga tao an-tsaiko izany, ka nieritreritra aho ny amin'ireo fisainana an'ireo "tsangambato."

⁴⁵ Ankehitriny, ny tsangambato iray dia za—zavatra lehibe iray. Mankasitraka an'ireo tsangambato isika. Ary lehilahy maro, eto amin'ity fiainana ity, no nanandrana namela karazana tsangambato iray taorian'izy ireo. Saika ny lehilahy rehetra no tia manao an'izany. Mametraka eo amin'ny fasan'izy ireo, marika lehibe iray. Mety tsara izany. Azo antoka. Mankasitraka an'izany aho. Izany dia—mety izany. Ary avy eo dia maro no miezaka manorina toerana masina lehibe.

⁴⁶ Ny tsangambato anankiray izay tiako hitodihana ankehitriny, izany dia any Ohio, ary nisy tsy mahatoky iray tany. Adinoko ny anarany. Manana an'ilay sary aho any ho any ao amin'ny fanangonako any an-trano. Fa, nanohitra mafy ny Kristianisma izy, hany ka nila tsangambato iray haorina ho

azy izy, taorian'ny fahafatesany, niaraka tamin'ny tongony teo ambonin'ny Baiboly, manondro midina tahaka an'izao, ary nanao hoe, "Alaviro ny finoanoam-poana ara-pivavahana, ary miakara amin'ny siansa moderina." Ary rehefa teo am-pahafatesana izy, dia hoy izy hoe, "Raha diso aho, dia hivoaka handady avy ao am-pasako ireo menarana." Ary rehefa maty izy, dia mbola nanipy ny vovoka tao anatin'ilay fasana foana izy ireo ka namono vipera goavana roa na telo. Ary amin'izao andro izao, tao amin'io fasana io, dia naka sary iray vao tsy ela ny mpitoriteny iray ka nitondra an'izany mba haseho amiko, ary mihantona eo ambony ireo rojo manodidina ny ampahany... Toerana iray tsara tarehy ilay fasana, fa ny dongon-taniny dia tsy misy afa-tsy dongon-tanim-bibilava iray fotsiny. Ary tsy mampaninona, na dia amin'ny fararano sy ny ririnina aza, dia mbola mandady avy ao amin'ny fasany foana ireo menarana. Tsangambato! Handrara ahy tsy mba banana tsangambato iray tahaka an'izany anie Andriamanitra, na ny iray aminareo.

Noho izany dia misy ireo tsangambato, na izany aza, tsangambato lehibe.

⁴⁷ Mieritreritra an'i Josoa aho, ilay mpiady mahery. Lehilahy iray malaza toy ny inona izy, izay naka ny fiadian'i Mosesy, amin'ny maha-mpitarika an'ireo Jiosy roa tapitrisa ireo. Mosesy no ilay voafantina, ilay nantsoina hivoaka, natokana ho an'ny asa iray. Ary Josoa, ny miditra sy maka ny toeran'io lehilahy io, dia zavatra iray lehibe hatao tokoa, ny manatanteraka ny kiraron'io mpaminany io. Mpidiy mahery iray, nantsoina, voafidy mialoha sy voatendrin'Andriamanitra. Efajato taona talohan'ny hany nahatongavany, dia nilaza Andriamanitra fa hanafaka Izy ary hamangy azy ireo Izy. Ary efa mpiady iray toy ny inona i Mosesy!

⁴⁸ Tsy nisy olona hany naka ny kiraron'i Mosesy mihitsy, mba hanatanteraka azy ireo, hany ka Jesosy Kristy no afaka nanao an'izany. Ary hoy izy, ny tenany hoe, "Mpaminany iray no hatsangan'ny Tompo Andriamanitrareo eo anivonareo, izay mitovy amiko. Ary izao no hiseho, raha tsy hihaino an'io Mpaminany io ianareo, na iza na iza no tsy hihaino an'io Mpaminany io dia hofongorana." Eny àry.

Ankehitriny, io tsangambato lehibe io.

⁴⁹ Ary nidina teo amin'ny renirano i Josoa. Ary rehefa maty i Mosesy, dia i Josoa no naka ny toerany. Ary nomba an'i Josoa Andriamanitra. Ary hoy izy hoe, "Ankehitriny hamasino ny tenanareo, sasao ny fitafianareo, ka mitokàna, ary aza mandeha any amin'ny vadinareo. Ary amin'ny andro fahatelo, dia hanao zavatra Andriamanitra." Oh, izaho...

⁵⁰ Iray amin'ireo hariva ireo, ny fotoan'ny Alahady, dia te-hitory aho mikasika an'ilay "andro fahatelo," ka haneho aminareo hoe hery inona no ao amin'izy ireo, io telo io. Voalazako

izany aninkeo maraina tao amin'ny vavaka, ny olona rehetra dia nanana zavatra telo tao amin'ireo laharan'ny Baiboly.

⁵¹ “Ankehitriny, amin’ny andro fahatelo dia ho hitanareo ny voninahitr’Andriamanitra.” Ankehitriny izany dia mandeha... nandeha mba haneho fa pozitifa no nahafantarany an’izay noresahany, satria nolazainy marina tokoa ny fotoana izay hitrangan’izany. Ary azoko eritreretina hoe ahoana no tsapan’i Joso, rehefa nitsangana teo anatrehan’ireo Isiraelita rehetra ireo izy. Ankehitriny, tsy maintsy marina ny teniny. Ary teo ilay Jordana nisamboaravoara.

⁵² Hitanareo, fa ny toetran’ny olona iray dia fantatra amin’ny alàlan’ny asany. Na inona na inona ianareo, ny asanareo no manaporofa an’izay maha-izy anareo. Tsy mampaninona na impiry ianareo no manambara, na inona na inona lazainareo, momba na manohitra, dia tsy misy idiran’izany amin’io. Ireo asanareo no miteny an’izay maha-izy anareo, miteny an’izay maha-izy anareo ao anaty. Ny asa rehetra ataonareo, no maneho an’izay maha-izy anareo.

⁵³ Ary ianareo mpandrahahaha, raha manao asa iray napetapetaka fotsiny ianareo, hitanareo izay tiako lazaina, asa tapany fotsiny, aza manao an’izany. Raha tsy afaka manao an’ilay izy tsara ianareo, dia aza atao mihitsy ilay izy. Marina izany.

⁵⁴ Rehefa manatona an’i Kristy ianareo, raha tsy afaka mivarotra tanteraka tokoa ianareo, hidiny, tahiry, ary barika, ka manatona an’i Kristy, dia aza manatona mihitsy. Fa rehefa te-ho Kristiana iray marina tokoa ianareo, dia mifahara. Ataovy tena misy ilay izy. Izany no tian’Andriamanitra haha-izy anareo. Ary izany no—izany no hanaporofa, ireo asanareo no hanaporofa hoe inona ny toetranareo. Ny toetranareo dia fantatra amin’ny alàlan’ny asa izay ataonareo.

⁵⁵ Ary Joso, ankehitriny, ny teniny no antoka; eny, tompoko, tahaka fotsiny—tahaka an’i Noa fahiny. Tsy maintsy miampita an’io remirano io i Joso. Ary toy ny hoe nifydny an’ilay fotoana ratsy indrindra izay hany azo noeritreretina izy. Tamin’ny volana Aprily izany. Ary amin’izany no mitsonika ny oram-panala any Jodia, ary midina manerana ny tendrombohitra, ka mamotaka ilay Jordana trainainy, ary tondraka mihitsy hatrany amin’ireo—ireo saha, mba hanondraka an’ireo sahan’i Jordana. Ary toy ny hoe, raha ara-matematika ilay izy, na—na ara-pianaranana, na siantifika, izy—nifydny ny fotoana ratsy indrindra amin’ilay taona rehetra izy hiampitana an’i Jordana. Fa tian’Andriamanitra ny maka an’ireo karazam-potoana ireo mba hanaporofoina fa Andriamanitra Izy.

⁵⁶ Ary ireo lehilahin’Andriamanitra, izay mino an’Andriamanitra sy mahafantaratra an’izay nampanantenain’Andriamanitra, dia tsy matahotra ny hanao

an'izany, satria hifikitra amin'Ny Teniny Andriamanitra, azo antoka mihitsy tahaka ny maha-Andriamanitra Azy.

⁵⁷ Ary rehefa nilaza izy hoe, "Voalohany, alaivo ilay sambofiara ka mandrosoa." Ary rehefa nikasika an'i Jordana io ny tongotr'ireo mpisorona ireo, tsy mampaninona na romotra toy ny ahoana aza izy, ary na nisamboaravoara toy ny ahoana aza izy, nanome lèlana ny Tenin'Andriamanitra Mandrakizay izany, satria tao anatin'ilay sambofiara ny Teny. Hoy Jesosy, ankehitriny hoe, "Ny Lanitra sy ny tany ho levona, fa Ny Teniko tsy ho levona mihitsy." Noho izany, Josoa, nahafantatra fa ny teniny dia tsy maintsy mijanona eo ambonin'ny Tenin'Andriamanitra, ary napetrany aloha ny Tenin'Andriamanitra.

⁵⁸ Maniry aho ny hanaovanareo olona marary eto an'izany izao hariva izao, apetraho miaraka amin'ny fiaikenareo ny Tenin'Andriamanitra. Apetraho ny fiaikenareo, minoa an'izany ka apetraho eo izany; ary antsoy ireo zavatra ireo, izay tsy misy, ho toy ny nisy. Avy eo dia manohy mandeha isika. Ataovy tahaka an'izany ilay izy. Ny Tenin'Andriamanitra no hanatanteraka an'izany.

⁵⁹ Ary rehefa nikasika an'i Jordana ny tongotr'ireo mpisorona, dia nihorona fotsiny izy, avy amin'ny ilany nankany amin'ny ilany. Dia nijanona ny rano.

⁶⁰ Fantatrareo ve? Ny fieron'io renirano io dia ho niteraka morona iray tany, tao anatin'ny roapolo minitra, ho goavana tahaka-tahaka ny sasany amin'ireo tohodrano goavana moderina izay ananantsika, sy ny Colorado Boulder Dam any. Ary ny fomba iparitahan'i Jordana any, dia tonga avy any amin'ireo tendrombohitra, miaraka amin'ny hery lehibe, ary miparitaka manerana an'ireo lohasaha ireo izy.

⁶¹ Ary rehefa ireo lehilahy roa tapitrisa mandeha antongotra, miaraka amin'ireo vehivavy sy ankizy, ny fahafahany tany, dia nila adiny efatra na dimy, na mihoatra. Ary inona no eritretertinareo? Ho feno io renirano io. Saingy, najanon'Andriamanitra ilay ony. Amena. Oh, tiako izany. Nijanona ireo ony! Dia nipetraka teo izy mandra-pitan'izy ireo.

⁶² Noho izany dia hoy Andriamanitra tamin'i Josoa hoe, "Te-hanao tsangambato iray ho an'ity isika. Mandehana any ka iraho ny Israélita tsirairay, anankiray isaky ny foko, ary makà vato roa ambin'ny folo ka manaova tsangambato iray. Ary io tsangambato io dia hoe rehefa mandalo amin'ity lalana ity ireo zanakareo, dia hanontany izy ireo hoe, 'Inona no nahatonga an'ireo vato ireo ho eto?' Dia homenareo azy ireo ilay tantara hoe ahoana no nanajanonan'Andriamanitra an'i Jordana." Fahatsiarovana iray mahafinaritra izany. Indray andro any dia manantena ny hijery an'ireo vato ireo aho, amin'ny ho avy akaiky, eo amin'izay mbola ijoroan'izy ireo foana ho

tsangambato iray. Fa avy eo dia mieritreritra ny—ny amin'ny tsangambato iray hafa aho... Tsangambato lehibe iray voatahy toy ny inona izany!

⁶³ Noho izany dia mieritreritra tsangambato iray hafa aho, indray andro, rehefa nanao safidy diso ny vehivavy iray. Nanapa-kevitra ny tsy hijanona tao amin'ireo lemaka tsara tondraka izy an'ny—an'ny, na, hitoetra tao amin'ireo lemaka tsara tondraka an'i Sodoma sy Gomora, sy azo hifaneraserana ary hiaina tahaka ny sisa amin'ireo vehivavy tamin'izany andro izany.

⁶⁴ Tsy nanao an'ilay safidy tsara izy, tahaka an'i Saraha izay nijanona tany amin'ireo tany ngazana. Izao fotsiny ihany, nihazona ny Tenin'Andriamanitra tao am-pony izy. Ary nankatô sy maha-te-ho tia tamin'ny vadiny izy, ka dia niantso azy izy hoe ny "tompony." Ary teo no nidinan'Andriamanitra niaraka tamin'ny Anjely roa ka namangy azy ireo tao amin'ny tranolay.

⁶⁵ Fa, Rtoa. Lota, lasa tena arak'izao tontolo izao izy ka nanomboka niaraka tamin'ireo zavatr'izao tontolo izao. Ary lesona iray toy ny inona izany ho antsika, amin'izao andro izao, hoe afaka ho lasa tia an'izao tontolo izao loatra isika. Ary tena azoko antoka, androany, fa ny fiangonana, amin'ny manontolo, dia lasa tia an'izao tontolo izao loatra. Ankehitriny, angamba, tsy nikasa hanao an'izany Rtoa. Lota, rehefa mandehana tany izy. Nieritreritra izy hoe, "Te-ho azo ifaneraserana fotsiny aho." Mety tsara ny azo ifaneraserana, fa aza manaraka ny fahazaran'izao tontolo izao.

⁶⁶ Rehefa mandehana ianareo, dia mandehana tahaka an'i Sadraka, Mesaka, sy Abednego, ary Daniela. Ninia tao am-pony izy ireo fa tsy handoto ny tenany, tsy mampaninona izay tonga na lasa. Tsy mampaninona na niverin-dàlana ny sisa tamin'ny fiangonana, izay nitranga, dia ninia tao am-pony izy ireo. Ary tsangambato iray izy ireo amin'izao andro izao.

⁶⁷ Ary Rtoa. Lota dia mitsangana ho tsangambato iray. Ary rehefa nanome azy ny hafany farany an'ny fahasoavana Andriamanitra, rehefa naniraka an'ireo Anjely tany ireo Izy ary niteny tamin'izy ireo fa ao anatin'ny ora vitsy dia hodorana i Sodoma sy Gomora, kanefa, tsy afaka nahatanty ny fisainana hamela ny fiainany ara-tsosialy izy, mba hankany amin'ny tany efitra iray, sy hiaina tahaka ny nianan'i Saraha tany amin'ny tany efitra, ary tsy maintsy manao fitafian'ny tany lemaka tsotra, an'ireo vehivavin'ny tany lemaka. Te-ho ao anatin'ny mirentirenty izy. Lasa lehilahy malaza iray tao an-tanàna ny vadiny. Mipetraka eo am-bavahady izy, toy ny mpitsara iray na ben'ny tanàna iray. Ary nila an'ireo mirentirenty ireo izy. Ary tsy afaka nahatanty ny fisainana hoe tsy maintsy hamela an'ireo zavatra ireo izy. Ary raha mandehana niaraka tamin'ny vadiny izy, tany ivelan'ny tanàna, dia nanohy nitodika tany aoriania izy,

nitomany sy nalahelo satria tsy maintsy namela an'izany, mba hanasaraka ny tenany amin'io karazam-pahafatesana io.

⁶⁸ Hoy Jesosy hoe, "Izay mametraka ny tànany eo amin'ny angadin'omby, ka miverina aza mba hijery any aoriana, dia tsy mendrika an'ilay asa." Tokony ho karazan'olona inona isika? Izay mametraka ny tànany eo amin'ny angadin'omby, ary na dia tsy—tsy miverina aza, fa mitodika fotsiny mba hijery any aoriana, dia tsy mendrika an'ilay asa akory aza. Oh, tokony hihazona ny masontsika sy ny fontsika ho tokana isika. Tsy mampaninona izay ataon'ny olona hafa, izay ataon'ny fiangonana, izay ataon'ny mpiara-monina, izay ataon'ny olon-kafa, hazony mifantoka eo Kalvary ny fonareo. Aza mijanona akory aza mba hijery any aoriana. Tsy manam-potoana hijerena any aoriana isika.

⁶⁹ Ary ity vehivavy ity, satria nanao izy, dia nanome tsangambato iray ho an'ny olona rehetra izay mitodika mba hijery any aoriana Andriamanitra, rehefa avy nanaiky an'i Kristy indray mandeha ho Mpamponjiny manokana izy ireo. Nivadika ho andrin-tsira iray izy. Ary mitsangana any izy hatramin'ity andro ity, azo jerena eny amin'ireo saha izany, hoe ilay vehivavy mitsangana eo niaraka tamin'ny lohany mitodika, dia njery tany aoriana. Ary mijery any aoriana eo amin'ny sorony ankavia izy, mba hitodika any aoriana mankany amin'ireo saha. Tany aoriana tany ny fony. Kanefa, voatery izy, mba hilazana azy, hanao an'io.

⁷⁰ Ary maro ny olona mandray an'i Kristy tahaka an'izany, amin'izao andro izao, satria avy amin'izao tontolo izao izy ireo, mahatsapa toy ny hoe voatery hanao an'izany izy ireo. Ary manohy maniry sy mitsiriritra izy ireo, ary tsy ho ela dia hiverina izy ireo. Ary izy ireo dia—tsangambato iray mahatsiravina an'ny fahasoavan'Andriamanitra izy ireo, ny fitiavan'Andriamanitra izay naseho tamin'izy ireo. Ankehitriny, tsangambato!

⁷¹ Ankehitriny, tamin'ny andron'i Jesosy, tetra an-tany, dia nanorina tempoly ho tsangambato iray ireo Jiosy. Ary nasehon'izy ireo an'i Jesosy hoe tsara toy ny ahoana no nanorenana an'io tempoly io. Ary hoy Izy... Nila efapolo taona ny nanorenana an'ilay tempoly; teo amin'ny valopolo taona, izy rehetra. Nandritra ny efapolo taona, no nandidian'izy ireo an'ireo vato tamin'ireo ampahany samihafa an'izao tontolo izao. Efapolo taona tamin'ny fanorenana azy, tsy nisy fimonomononan-tsofa iray na feon'ny maritoa iray.

⁷² Fa, fantatrareo, na i Jesosy aza dia nilaza teo hoe, "Aza mijery an'io, fa Lazaiko aminareo, fa ho avy ny andro izay tsy hisy vato anankiray tavela eo ambonin'ilay hafa, vato anankiray eo ambonin'ilay hafa."

⁷³ Talohan'izany mihitsy, dia nilaza an'ireto Teny tsangambato lehibe ireto Izy hoe, "Ny Lanitra sy ny tany ho levona, ireo

tempoly ho levona, ireo tsangambato ho levona, fa Ny Teniko no tsangambato mandrakizay."

⁷⁴ Efa lò ilay sambofiara, taona maro lasa izay. Nirodana ireo fasan'ny mpaminany. Ary nihalò ireo tsangambato samihafa rehetra, tamin'ny fotoana efa ela, nanimba ny vato. Fa ny Tenin'Andriamanitra dia mijanona ho tsy miova fotsiny, tsara tarehy mandrakizay sy mandrakizay. Tena velona sy vaovao mihitsy izao hariva izao, ho an'ireo mpino amin'izao andro izao, tahaka Azy tamin'ireo andro izay nitenenana Azy.

⁷⁵ Tsy mahagaga, Elia, aninkeo maraina, tao amin'ny antsika...ny hafatra izay nomen'ny rahalahintsika antsika. Rehefa te-hanorina sekoly lehibe iray ho an'ny mpaminany izy ireo, ho tsangambato iray, fa Elia nifidy zavatra iray tsaratsara kokoa, fahagagana iray an'Andriamanitra mba hanangana fitaovana nianjera iray ka nanao azy hitsingevana teo ambonin'ny rano. Izany no Tenin'ny Tompo.

⁷⁶ Ary tsara lavitra kokoa izy, izao hariva izao, ho an'izay handray ny Tenin'ny Tompo, ao am-pony, ho tsangambato iray, noho ireo izay hiezaka hanangana tsangambato lehibe iray.

⁷⁷ Tsy ela akory izay, rehefa nandre aho, fony aho tany Italie, nandre mikasika an'i Mussolini aho, sy ilay sarivongana lehibe efapolo dian-tongotra mahery ny haavony, izay naoriny ho tsangambato iray an'ny atletisma, satria atleta iray izy. Ary te-hahita an'io tsangambato io aho. Ary, fantatrareo, fa notsofin'ny milina fandravàna trano goavana iray ho vovoka izany.

⁷⁸ Nitsangana aho, teo amin'ny roa, telo taona lasa teo izay, teo amin'ny toerana izay nananganan'ireo faraon'i Egypta fitoerana masina lehibe sy sampy. Ary izaho... Miteny amiko izy ireo fa tsy maintsy hangady roapololo dian-tongotra any ambanin'ny tany ianareo, mba hahitana ny tany izay nitsanganan'ireo tsangambato ireo mihitsy aza.

⁷⁹ Nitsangana teo amin'izay nisy an'i Aogosto Kaisara aho, izay nisy an'i Heroda sy ny lehiben'i Roma. Ary nandeha teny an-dàlambe aho, ary teo amin'izay nidinany teo amin'ny lèlambe avy tany amin'ilay lapa, ary tokony ho dimy amby roapololo dian-tongotra ambanin'ny tany izany. Vita ny amin'ireo tsangambato ireo.

⁸⁰ Fa ity Tenin'Andriamanitra velona ity dia mbola mijanona ho tsy miova sy sarobidy mihitsy. Tsangambato iray izany.

⁸¹ Noho izany dia milaza aho, androany, rahalahy, fa ireo zavatra izay ataonareo, ireo teny izay lazainareo, ahoana no itondranareo ny mpiara-monina aminareo, ary izay ataonareo mikasika an'i Kristy, dia ho tsangambato iray mandrakizay. Mety manana trano tsara iray havela ho an'ny zanakareeo ianareo. Mety hiasa ho an'ny fivelomana iray ianareo, mba havela ho an'ny zanakareo. Saingy aleoko mamela ho azy ireo ny Tenin'Andriamanitra toy izay ny zavatra hafa rehetra.

Hanjavona ireo trano ireo. Mety tsara tanteraka izany, tsara izany. Tsy manana na inona na inona manohitra an'izany aho. Fa aza manao an'ireo zavatra madinika ireo nefä mamela an'ireo zavatra lehibe tsy ho vita, hitanareo. Satria, ny Teny dia . . . Ho levona ilay trano, ary ho levona miaraka aminy ny olona. Fa ny Tenin'Andriamanitra no hanangana azy ireo amin'ny andro farany, ary hanome azy ireo Fiainana Mandrakizay sy tsy mety maty indray. Ary, ankehitriny, mba hanaovana fananana iray tahaka an'izany, ny Tenin'Andriamanitra Mandrakizay!

⁸² Mieritreritra an'ity hira fahiny izay nohirainay taloha teto ity aho, taona maro lasa izay:

Feno fiovana tampoka ny fotoana,
 Tsy misy tsy miova eto an-tany ka afaka haharitra,
 Aoreno eo amin'ireo zavatra Mandrakizay ny
 fanantenanareo,
 Mihazôna eo amin'ny tânâ'ndriamanitra tsy
 miova!

Rehefa tapitra ny diantsika,
 Raha nahatoky tamin'Andriamanitra isika,
 Tsara tarehy sy mamiratra ny tranontsika any
 amin'ny Voninahittra,
 Hahita ny fanahintsika nampakarina!

⁸³ Tsaratsara kokoa toy ny ahoana ny mijery any ivelany, manoloana ny masoandro milentika, rehefa miha-mangatsiaka ny lâlan-drânaréo ao amin'ny vatanareo, rehefa mijoro manodidina ny fandriana ny zanakareo, mba hahafantatra fa manana tsangambato iray naorina ianareo, hoe, "Malala, indray andro any dia hihaona aminao eny amin'ilay ilany hafa i dada!" Aleoko manana an'izany.

⁸⁴ Rehefa nilaza ny dokotera hoe, "Billy, tsy misy na inona na inona azo atao ho anao intsony."

⁸⁵ Ary hitako ny zanako, ka manoroka azy ireo hoe veloma aho. Hoy aho hoe, "Fa tsy eo am-pahafatesana i dada. Mandeha mankany amin'ny fitsaharana iray izy, mankany amin'ny Toerana iray. 'Fa raha ravâna ity tabernakely eto an-tany ity, dia efa manana anankiray miandry aho.'" Tsangambato iray ho resahana toy ny inona! Aleoko manao an'izany, eo anatrehan'ny zanako, toy izay manao hoe, "Malala, manana iray tapitrisa dolara aho ao amin'ity banky ity, ary iray tapitrisa eto amin'ity anankiray ity, ho anareo." Aleoko mamela an'izany fijoroana vavolombelona izany.

Miaraka amin'ny fisarahana, mamela aoriantsiaka An'ireo dian-tongotra eo amin'ny fasiky ny fotoana;

Ireo dian-tongotra, izay angamba ny hafa,
 Izay misosa eo amin'ny zava-dehibe amin'ny
 fiainana mihaja,
 Ho an'ny rahalahy iray ory sy vaky sambo,
 Mahita, dia hahery fo indray.

Izany tokoa! Avelao ho tsangambato iray izy ireo, ny fijoroanareo vavolombelona.

⁸⁶ Toy ny ahoana no ieritreretako, izao hariva izao, ny amin'ny lehilahy antitra iray mandry any, amin'ny orany farany an'ity fiainana ity, niantso indray andro ary mila ahy history teny amin'ny fandevenana azy; Tabernaklan'i Paul Rader. Namako akaiky izany, F. F. Bosworth, olo-masina tsara iray nandeha hihaona amin'ny Mpaoao azy. Ary hoy izy hoe, "Izao no fotoana sambatra indrindra an'ny fiainako, Rahalahy Branham." Hoy izy hoe, "Tena faly aho ny mahafantatra fa hihaona Aminy aho, zara aho raha afaka matory amin'ny alina."

⁸⁷ Nandre ny amin-dRtoa. Aimee McPherson aho; tsy hoe tsy miraharaha azy, vehivavy mahafinaritra iray. Hitako ireo marika amin'ity sy itsy. Mahita an'ireo marik'i Smith Wigglesworth sy Dr. Price aho, ary ny maro amin'ireo lehilahy malaza ireo, fa tsy misy marika anankiray hany mba reko nolazain'ny olona iray mikasika an'i F. F. Bosworth. Andriamanitra, aoka ho tahaka an'izany ny fiafarako, tsangambato iray an'ny fahasoavan'i Jesosy Kristy Tompo!

⁸⁸ Mieritreritra an'i E. Howard Cadle teto aho, vao tsy ela akory izay, raha nandry teo amin'ny gorodona izy, toy ny mamo tampina, ary ireo—ary niditra tao amin'ny vavany ireo lalitra. Ary ny mamany antitra malala tany dia nivavaka sy nino, ary nifikitra tamin'Andriamanitra, ho an'ny zananilahy mamolava. Tany, rehefa nandao an'izao tontolo izao izy, dia namela fijoroana vavolombelona iray sy tsangambato iray an'ny fahasoavan'ilay Andriamanitra Tsitoha izay ampy. Rehefa apetraka eo Aminy ny Tenin'Andriamanitra, amin'ny vavaka, dia tsy maintsy mamaly an'izany Andriamanitra.

⁸⁹ Manorina Fiagonana iray ho tsangambato iray Andriamanitra, tsangambato iray an'ny Fanatiny. Tsy tonga teto an-tany mihitsy i Kristy mba ho faty foana. Tsy ho foana ny Fahafatesany. "Andriamanitra dia mahay manangana zanaka ho an'i Abrahama avy amin'ireto vato ireto." Raha tsy hiaina an'Izany ny olona, raha tsy handray an'Izany izy ireo ary, eo am-pandinihana, ka mahafantatra hoe fanomezana lehibe iray toy ny inona no nomen'Andriamanitra azy ireo, Andriamanitra dia mahay manangana zanaka ho an'i Abrahama avy amin'ny vato. Hataony marina tokoa izany! Ary rehefa mieritreritra an'izany aho, ary mieritreritra an'ilay vidiny lehibe izay tsy maintsy Naloany! Ankehitriny dia tsara . . .

⁹⁰ Ny olona rehetra dia mila ny zavatra rehetra ho maimaim-poana, mila ny rehetra . . . Izany no fomba fainan'ny Amerikana amin'izao andro izao. Mahazo ny zavatra rehetra izay vitanareo ho an'ny tsinontsinona. Rahalahy, tsy mahazo na inona na inona izay mitentina zavatra iray ianareo, ho an'ny tsinontsinona. Mandoa ho an'izay azonareo ianareo. Marina izany. Tsy maintsy mandoa an'izany ianareo, ary lasa malala izany.

⁹¹ Ary lasa malala ny famonjenareo, ho an'Andriamanitra. Ny Zanany lahitokana no vidin'izany, mba hanome Fainana Mandrakizay ho an'ny olona tsirairay sy hanao azy ho faly, izao hariva izao, ary mivelona amin'ireo zavatra mendrika hiainana. Tsy ny hamela zavatra ho an'ireo zanatsika; tsy misy lova navela, lehibe noho ny famonjen'i Jesosy Tompontsika. Izany tokoa, tsy misy izany.

⁹² Ankehitriny, lehibe ny vidiny naloa. Tsy maintsy tonga ny fotoam-pisedrana. Izany ireo tsangambato voasedran'ny fotoana. Ary ny tsangambato tokana izay hany voasedra tsara, dia ny Tenin'Andriamanitra. Oh, nanandrana nanala an'Izany ireo tsy mahatoky. Efa nanao an'izay rehetra azony natao izy ireo, fa tsy ho levona mihitsy Izany. Tsy mety diso mihitsy Izany.

⁹³ Abrahama, rehefa nahazo an'io tsangambaton'Andriamanitra io izy hoe, "Hahazo zazakely iray avy amin'io vehivavy io ianao, Saraha." Dimy amby roapolو taona, no ninoany an'izany tamin'ny fony rehetra, ary nandà ny zavatra rehetra nifanohitra tamin'izany, satria fantany fa hihazona Ny Teniny Andriamanitra.

⁹⁴ Ireo tsy mahatoky, amin'izao andro izao, mitsangana izy ireo ary miezaka hanaratsy ny Baiboly. Alohan'ny ahafahanareo manajanona ny Baiboly, dia tsy maintsy manajanona ny fotoana ianareo alohan'ny ahafahanareo manao an'izany. Ny tontolo athé rehetra, ny vahoaka athé rehetra, ny vahoaka kominista rehetra, ary na inona na inona izy ireo, ny Bouddha rehetra, ny Jain rehetra, ny Mohometana rehetra, dia tsy maintsy mijoro vavolombelona ny fahaterahan'i Jesosy Kristy Tompo, isan'andro. Eny, isaky ny manao sonia taratasy iray ianareo, amena, isaky ny manoratra ny daty ianareo, dia mijoro vavolombelona ianareo fa nandefa Ny Zanany Andriamanitra, fito amby dimampolo sy sivinjato sy arivo taona lasa izay. Rahalahy, tsy afaka manao an'izany ianareo. Tsy ho mety hisy mihitsy izany. "Ny Lanitra sy ny tany ho levona, fa Ny Teniko tsy ho levona mihitsy."

⁹⁵ Fotoana vitsy lasa izay, tany New York aho, nandeha tany amin'ny nosy kely iray, nankany amin'ny Statue of Liberty izay nomena ny . . . tamin'ny governemanta Frantsay, ho an'i Etazonia, taona maro lasa izay. Ary eo amin'ilay tanganana dia misy jiro fanilo iray. Niakatra hatreo amin'io sandry io izahay. Misy varavarankely iray eo. Ary tao amin'izay namiratan'io hazavana

lehibe io, dia voamariko teo amin'ilay ilany fa nisy andiana tsintsina kely, ary maty izy rehetra, nandry teo amin'ny ilany. Dia hoy aho tamin'ilay mpitari-dalana hoe, "Inona ireo tsintsina ireo? Tratry ny herin'aratra ve izy ireo?"

⁹⁶ Hoy izy, "Tsia, tompoko. Tsy mbola noraofinay izy ireo izao maraina izao." Hoy izy, "Omaly hariva dia nisy tafio-drivotra, tafio-drivotra lehibe tonga teto amin'ny helodrano."

Hoy aho hoe, "Eny, tompoko. Fantatro izany."

⁹⁷ Hoy izy hoe, "Tratran'ny tafio-drivotra ireo vorona kely." Dia hoy izy, "Rehefa tonga tao amin'io hazavana io izy ireo, dia niezaka namono ilay jiro. Hitanao? Nidona tamin'io fitaratratra io fotsiny izy ireo ary nikapoka." Dia hoy izy, "Raha tokony hampiasa an'ilay jiro handehanana any amin'ny fiarovana, dia niezaka izy ireo ny hamono an'ilay jiro."

⁹⁸ Ary tamin'izay fotoana izay no nandòna ahy ilay tsindrimandry. Marina izany. Ireo lehilahy sy vehivavy izay miezaka ny hamono ny Jiron'Andriamanitra, dia manakapoka ny adi-tohany fotsiny. Ary, ilay Jiro, nahoana izy ireo no tsy mampiasa an'Izany mba handehanana any amin'ny fiarovana, raha tokony manakapoka ny ati-dohanareo? Manandrana ary mandà an'Izany, ka manao hoe, "Efa lasa ireo andron'ny fahagagana. Tsy misy izany karazana fanasitranana avy amin'Andriamanitra izany, tsy misy ny famonjena avy amin'ny fo, ireo zavatra ireo." Mikapoka fotsiny an'ilay andry izy ireo. Raha mbola manao an'izany foana izy ireo, dia manohy mandroso sy miakatra ny Fianganan'Andriamanitra lehibe, mafy arak'izay azony atao. Mitsangana ny olona ary mihambo ho *ity*, sy *itsy*, nefo tsy nahomby, sy ny sisa. Fa ilay Fianganan'Andriamanitra dia manohy mandroso, ary manohy mandroso ny Tenin'Andriamanitra. Vita avy tamin'ny karazana akora tsara izy.

⁹⁹ Tsy ela akory izay, tany Australie, ilay Australie lehibe izay eo ambanin'ny satroboninahitra Britanika, dia tahaka an'i Afrika Atsimo, ampitan'ny lâlana mankany Australie mihitsy. Any Sydney, dia misy tanàna goavana iray manodidina ny helodrano any, Rahalahy Beeler angamba dia mahafantatra bebe kokoa mikasika an'izany noho izaho. Na izany aza, nila tetezana iray haorina izy ireo, mivelatra avy—avy any Sydney Avaratra mankany Sydney Atsimo. Niantso nanerana ny firenena rehetra izy ireo, mba hanao mpanao mari-trano, mpanorina tetezana, ho tonga mba hanorina an'io tetezana io. Tsy nisy tamin'izy ireo nandray an'izany. Tsy misy sahy mandray an'izany. Vantany vao tonga teo izy ireo, dia hitan'izy ireo fa ny fanambanin'io ranomasina io dia nisy fasika miletsty. Fasika haingana ilay izy, ary tsy nisy nahatanty. Ary notsapain'izy ireo izany sy notsofina, ary lasa. Hoy izy ireo hoe, "Tsia, tsy te-hiandraikitra hanandrana

hanorina tetezana iray tahaka an'izany akory aza izahay. Tsy azo atao izany."

¹⁰⁰ Afaka kelikely, dia tonga ny mpanao mari-trano tanora iray avy tany Angletera, lehilahy malaza, lehilahy nanan-daza, nanana laza tsara.

¹⁰¹ Oh, tiako izany! Tiako ny olona iray manana laza iray. Oh, tsy voatery ho olona goavana iray ianareo. Mety ho mahantre iray mipetraka eny an-dàlana ianareo, nefy manana laza iray tsara lavitra noho ny manam-pahefana iray. Tanteraka tokoa. Tsy voatery hanan-karena ianareo. Afaka manana laza iray fotsiny ianareo. Manambara izany, ny lazanareo sy izay maha-izy anareo, no manao anareo an'izay maha-izy anareo. Izany no manome anareo ny lazanareo. Ary fantatra amin'ny alàlan'ny lazanareo ianareo.

¹⁰² Nandeha tany ity lehilahy ity niaraka tamin'ny laza iray nahafinaritra. Nijery ny zava-misy izy. Nandeha teny amin'ny morona nandritra ny andro vitsivitsy izy. Nianarany ilay izy. Nanandrana izy. Nitsapa izy. Nijery manodidina izy. Afaka kelikely, dia nandeha nankany amin'ny ben'ny tanàna izy, nanao hoe, "Ho raisiko ilay asa."

"Nahoana," hoy izy, "tompoko, fantatrao ve izay raisinao?"

Hoy izy hoe, "Azoko tsara mihitsy."

¹⁰³ Hoy izy hoe, "Eny, ity mpanao mari-trano lehibe ity dia milaza . . . Ireo mpanao mari-trano Amerikana sy mpanao mari-trano avy tany amin'izao tontolo rehetra izao, mpanorina tetezana, dia tonga eto, ary matahotra an'ilay asa izy ireo."

¹⁰⁴ Hoy izy hoe, "Saingy, tompoko, tsy matahotra an'ilay asa aho. Horaisiko ilay izy." Hoy izy hoe, "Fantatro fa manana laza maneran-tany aho, amin'ny maha-mpanorina tetezana ahy; fa hatako antoka ny lazako, satria afaka manorina an'ilay izy aho." Oh, nanana fi Jerry iray izy! Alohan'ny ahafahan'ny olona iray mahazo laza, dia tsy maitsy manana fi Jerry iray ny amin'izay ataony izy.

¹⁰⁵ Oh, isaorana anie ny Tompo! Izany no antony hoe misy ny Lanitra iray handehanana. Izany no antony ahafahantsika manana laza iray amin'ny maha-Kristiana iray, fantatsika hoe inona no fitaovana ao anatin'io tranobe io. Marina izany. Ny Ràn'i Jesosy Kristy no ao anatin'io tranobe io. Marina izany. Ny pentimpentin-dRàny no nanasa ny fahotana rehetra. Nesoriny avy teo amin'ny lâlan'ny helo aho ka nataony Mpanompony. Noho izany, dia mino Azy aho. Noho izany, dia efa tafafindra niala tamin'ny fahafatesana ho amin'ny Fiainana aho. Ary ny mpino rehetra dia nanao an'izany, satria manana fahatokiana izy ireo ary mino an'io Mpanorina lehibe io, sy io Mpanao mari-trano lehibe io.

¹⁰⁶ Ankehitriny, rehefa nanao an'izany ilay lehilahy, ny zavatra voalohany nataony, mba hahazoana antoka fa marina ny azy, dia nidina tany izy. Ary hoy izy hoe, “Ankehitriny, alohan’ny hanombohantsika an’ity tetezana ity, dia tsy maintsy mandeha amin’ny fototra mafy isika. Tsy maintsy mandeha isika.” Fantany fa teo ambanin’io fasika io, tao no nisy ny tratran’ny tany, izay vatolampy mafy. Inona no nataony afa-tsy naka paompy goavana be? Ary nidina tao ka nametraka fantsona lehibe, ary notsofiny ireo fasika miletsy, miaraka amin’ireo paompy ireo, mandra-pitsofany azy hatrany amin’ny vatolampy mafy mihitsy. Rehefa nampiakatra azy teo amin’ny vatolampy izy, dia nampifikiriny tao ireo bilao goavana be ireo, ary nataony vonona izany. Ary notsofiny ny tsirairay avy.

¹⁰⁷ Ary avy eo dia nandeha izy ary naka, nanodidina azy, an’ireo mpanao mari-trano tena tsara indrindra izay nety hitany, ireo siantifika tsara indrindra, ny fitaovana tsara indrindra. Naniraka izy ary naka vy ho an’ny tetezany. Rehefa nataony izany, dia tsy nametraka tapa-by anankiray izy, na bilao iray akory aza, raha tsy voatsapa ara-tsiansa ilay izy; mba hahitana raha nisy kapoka tao anatiny, mba hahitana raha nisy lava-drivotra kely izay, tao amin’ny fandrendrehana, izay nanaovan’izy ireo azy sy nandasirany azy, mba hahitana raha voasedra tsara ilay izy. Oh, inona ny—ho tsangambato iray toy ny inona izany, raha...ho an’ny lazany amin’ny maha-mpanorina tetezana iray.

¹⁰⁸ Raha nandeha tao amin’izany olana be izany izy, mba hahazoana antoka fa ho voaaro ilay tetezana, dia olana firy no heverinareo fa nandehanan’Andriamanitra, mba hahazoana antoka fa ho voaaro ity Fiagonana ity? Eny, tompoko. Misy tsangambato iray an’ny fahafatesan’i Kristy, izany dia Ny Fiagonany. Ny olona sasany dia tsy tia miaina an’izany, ny olona sasany dia ho tia. Fa, fotoan’ny fitsapana izany. Mitsapa ny olona Andriamanitra, amin’izao andro izao, ho an’ireo Tsangambatony.

Matetika, dia hoy ny olona hoe, “Oh, tena alaim-panahy aho!”

¹⁰⁹ Isaorana anie ny Anaran’ny Tompo, ny amin’ireo fakampanahy! “Rehefa malemy aho, amin’izay fotoana izay aho no mahery,” hoy i Paoly. “Ny zanaka rehetra izay manatona an’Andriamanitra, dia tsy maintsy zahan-toetra sy tsapaina aloha.” Ary ireo fitsapana ireo dia mamy kokoa aminareo, sy malala kokoa aminareo, noho ny volamena sarobidy. Fotoan’ny fitsapana izany.

¹¹⁰ Taona maro lasa izay, talohan’ny nananan’izy ireo an’ireo fanatsonehana, nalain’izy ireo taloha ny volamena...Ary ahoana no nahafantarany hoe tsara ilay izy na tsia, ary niala taminy ny fotaka rehetra, ny pyrite vy rehetra (volamenan’ny

adala izany), niala tao aminy ny adala rehetra, izy ireo... Nikapoka azy ireo mpikapoka, ary nokapohiny sy nahodina izy, ary nokapohiny sy nahodina izy, mandra-pahitan'ilay mpikapoka ny—ny tarany tao amin'ilay volamena.

¹¹¹ Tahaka an'izany no anaovan'Andriamanitra Ny Fiagonany. Manome anareo fizahan-toetra aorian'ny fizahan-toetra Izy, fitsapana aorian'ny fitsapana, fizahan-toetra aorian'ny fizahan-toetra, fitsapana aorian'ny fitsapana, mandra-pitaratry ny Fiainan'i Kristy eo amin'ny fainanareo; mandra-pahatonganareo ho tia fihavanana, mahonon-tena, mora fanahy, malemy fanahy, manetry tena, vonona, manaiky, mazoto, manodina ny lohanareo amin'ireo zavatr'izao tontolo izao, mijery mahitsy mankindy Kalvary, mankindy amin'ilay Anankiray Izay manao ny fikapohana. Imbetsaka ianareo no mihevitra fa hafahafa ilay izy satria fizahan-toetra mirehitra, aretina, ary fanenjehana. Natao mba hitsapana anareo fotsiny izany, hanalana ny loto ao aminareo, hanalana ny fotaka ao aminareo, hanalana ny fahamoramorana ao aminareo, hamoha anareo ho eo amin'ny toerana izay ahafahanareo mijery ka mahita an'ilay taratra, na olona afaka mahita ny taratr'i Kristy ao anatinareo hoe, "Kristy ao anatinareo, fanantenan'ny Voninahitra."

¹¹² Notsapainy ny piesy tsirairay. Farany, izy... Talohan'ny nametrahany bilao iray, dia notsapainy izany. Notsapainy ny zavatra rehetra.

¹¹³ Ary rehefa vitany izany rehetra izany, ankehitriny, dia nitsangana teo ireo mpamingavinga ka nanao hoe, "Tsy hifikitra io. Tsy afaka manao an'izany io."

¹¹⁴ Izany no lazain'izy ireo amin'izao andro izao. "Io fivavahan'ny Fanahy Masina eto izay resahinareo io, tsy ho ela, dia ho may io hazo io." Saingy tsy may izy.

¹¹⁵ Oh, ilay—manondraka azy fotsiny ilay afo. Manome antsika fanantenana vaovao fotsiny izany. Izany fotsiny—mampatanjaka azy fotsiny izany, ny fizahan-toetra tsirairay, fitsapana. Isaky ny misy rivotra mandona hazo iray sy mandronjina azy aloha sy aoriane, ary aloha sy aoriane, dia mamaha fotsiny an'ireo faka izany mba ahafahany milentika lalina kokoa sy mahazo famikirana tsaratsara kokoa. Isaky ny mamely ny tranonareo ny aretina, isaky ny mamely ny tranonareo ny fizahan-toetra, isaky ny milaza zavatra ratsy mikasika anareo ny mpiara-monina, dia manozongozona anareo fotsiny izany, mamaha anareo, mba hahafahanareo midina sy mifikitra tsaratsara kokoa eo amin'ilay Vatolampy Mandrakizay an'ny Tenin'Andriamanitra tsy mihozongozona. Tahaka an'izany no anaovan'Andriamanitra azy. Mandefa an'ireo fizahan-toetra ireo Izy mba hitsapana anareo sy hizahana toetra anareo, hanozongozona anareo ary hanome anareo fihazonana vaovao iray.

¹¹⁶ Noho izany dia hitantsika, rehefa vitany izany rehetra izany, dia nitsangana teo ireo mpitsikera ka nanao hoe, "Tsy afaka hety io." Fa inona? Fantatr'ilay mpanao mari-trano fa hihazona ny tetezany. Fantany fa hihazona izany, satria efa notsapaina izany.

¹¹⁷ Izany no antony nilazan'Andriamanitra hoe, "Hanana Fiagonana tsy misy pentina na fiketronana Aho." Amena. Efa nandalo fitsapana Izy. Ary ny zanaka tsirairay izay manatona an'Andriamanitra dia tsy maintsy tsapaina.

¹¹⁸ Tamin'io androm-pahatsiarovana lehibe io, raha nandeha izy ireo, rehefa nanomboka avy teo amin'ny andaniny roa ny roa tonta, rehefa nihaona teo afovoan'ilay helodrano izy ireo, ilay lehilahy izay nanorina azy, hoy izy hoe, "Tsy hangataka olona iray aho."

¹¹⁹ Ireo mpanao mari-trano rehetra nitsangana manodidina, dia nanao hoe, "Vantany vao misy hovitrovitra mamely an'io tetezana io, dia hirodana avy hatrany izy. Hampidi-doza izany." Tsy misy orinasam-piantohana hanome azy fiantohana eo amin'izany.

¹²⁰ Tsy nila fiantohana izy. Hoy izy hoe, "Hihazona ny tetezako." Nanana fahatokiana izy. Ankehitriny, tsy maintsy mitsapa an'izany izy, satria ny lazany no antoka. Izany tokoa, izany ilay izy. Ary raha nihazona izany, dia ho tsangambato iray.

¹²¹ Izany no antony ahafantaroko fa ny famonjena tamin'ny andro fahiny, Andriamanitra, tsapan'ny fo dia hihazona: ny lazan'i Kristy no eo amin'izany. Tsy hanome antsika zavatra hanorenana Fiagonana iray Izy, tsy teolojia nataon'olona, tsy eo amin'ny traikefan-tsekolay, na manorina seminera arak'izay tian'izy ireo hatao, aninkeo maraina, mba hampianarana mpitory teny. Ny tena mpitory teny dia avy amin'ny semineran'ny fahasooavan'Andriamanitra, fiantsoan'Andriamanitra, ary voasedran'ny fotoana izany. Marina izany. Hihazona izany. Manana fahatokiana anareo Andriamanitra. Manana fahatokiana Azy isika. Ny tetezana dia... Hoy ilay poetry fahiny hoe:

Mihazona ao anatin'ny voaly ny vatofantsiko;
Ao amin'ny tafio-drivotra sy rivo-mahery rehetra,
Mihazona ao anatin'ny voaly ny vatofantsiko.

¹²² Tsy fantatsika hoe inona no mihazona, fa misy Zavatra iray mihazona. Marina izany. Mamikitra any izy ao amin'ilay seranana. Ary misy tadim-pamonjena iray izay mihazona ny fon'olombelona, ka ny olona izay hany nateraka indray dia efa tafafindra niala tamin'ny fahafatesana ho amin'ny Fiainana. Tsy afaka hanao azy hisalasala an'izany ny devoly rehetra avy ao amin'ny helo. Misy Zavatra mihazona ao anatin'ao. Avelao izy hihilangilana! Avelao izy hihozongozona! Amena. Hihazona izy, amin'ny fotoana rehetra, satria ao amin'i Kristy Jesosy izany.

¹²³ Noho izany dia hoy ity lehilahy ity hoe, “Tsy hangataka olona anankiray aho, fa,” hoy izy, “izaho no handeha, ny tenako.”

¹²⁴ Nanatona ilay ben’ny tanàna ka nanao hoe, “Ramosé, manana fahatokiana tokoa ny tetezanao aho.”

¹²⁵ Hoy izy hoe, “Raha manana fahatokiana ny tetezako ianao, dia manaraha ahy. Eny àry, apetraho eo amin’ny fitsapana iray ilay izy.”

¹²⁶ Hoy ilay ben’ny tanàna hoe, “Hipetraka eo ny fiarako amin’io maraina anankiray io. Handeha hiaraka aminao aho.”

¹²⁷ Niantso ny orinasan-dàlamby ka nilaza, niantso ka nanao hoe, “Tompoko, manana fahatokiana ny tetezanao izahay. Izahay dia . . .”

¹²⁸ Hoy izy, “Raha manana fahatokiana ny tetezako ianareo, dia avohay ny lokomotiva efatra feno, apetraho eo ambonin’ny tetezana izy ireo. Raha manana fahatokiana ianareo, dia manaraha ahy. Raha mino ianareo fa efa notsapaina sy voazaha toetra ilay izy, mino an’izany ianareo, avia, mandehana miaraka amiko.”

¹²⁹ Ary maro ny olona nanoratra taratasy ho azy, mba hahitana ny herim-pony. Izany no tadiavin’ny lehilahy dia lehilahin’ny herim-po, fa tsy zavatra wish-washy kely iray.

¹³⁰ Raha mihevitra ianareo fa afaka milamindamina, amin’ny fandehanana any am-piagonana sy manao “amena” matetitetika, ary mihiakiaka kely, mametraka ny anaranareo eo amin’ny boky, ary miverina ka miaina tahaka ny devoly, dia ireo asanareo no manaporofa an’izay maha-izy anareo. Ny toetranareo no nanaporofa an’izany. Fa Andriamanitra . . .

¹³¹ Te-hahita lehilahy izay be herim-po izao tontolo izao, olona iray miaraka amin’ny herim-po, izay hitsangana, ho tsangambato iray an’ny fahasooavana mamonjy an’i Jesosy Kristy. Marina izany.

¹³² Ny andro izay nanombohan’ilay tetezana, dia niverina ny sisa tamin’izy ireo, nanao hoe, “Mivonòna. Ataovy vonona ny fakan-tsarinareo,” izy rehetra, hoy ilay mpanao gazety hoe, “satria hianjera io tetezana io.”

¹³³ Nanatona teo amin’io tetezana io ilay tovolahy, nametraka ny fiarany, nitodika tany aoriane, hitany fa nilahatra ireo lokomotiva rehetra ireo, hitany ny ben’ny tanàna teo nanofahofa azy. Nijery izy ka hitany ireo mpandeha an-tongotra an’aliny nitsangana teo, vonona handeha hiaraka aminy. Hoy izy hoe, “Alefaso ny mozika.” Rahalahy, rehefa nitendry ireo tarika, dia nitsoka ireo kiririoka, nandeha ireo anjombona, ny tiako lazaina dia nisy hovitrovitra mahatsiravina niseho. Fa nandeha avy hatrany niampita an’io tetezana io izy, ary tsy nihetsika mihitsy izy. Nahoana? Izy no naka ny lohalaharana, satria, raha hianjera izy, dia avelao izy hiaraka aminy.

¹³⁴ Ary avy tany An-danitra Jesosy Kristy, ny Voninahitra; avy amin'ny Voninahitra, nidina teto, mba hanorina Fiagonana iray. Ary ny fitaovana izay Apetrany anatin'Izany, dia fitaovana efa voasedran'ny fotoana. Mety manatona ny alitara ianareeo ka manao fiaikena iray, fa rehefa mahita lava-drivotra Izy sy ny zavatra hafa rehetra, hitanareo, izao tontolo izao—izao tontolo izao no nanatsofoka an'ireo olitra tao anatinareo, sy ny sisa, dia tsy mahatanty ianareeo. Atongilany any amin'ny ilany anankiray fotsiny ianareo. Mila Fiagonana iray voasedran'ny fotoana Andriamanitra; tsy olona izay Kristiana iray androany ary mpiverin-dàlana iray rahampitso, anatiny sy ivelany, ary ambony sy ambany. Tsy afaka mametraka anareo na aiza na aiza Izy.

¹³⁵ Fa manana Fiagonana iray izay notsapaina Izy, nandalo an'ireo fizahan-toetra, tamin'ny alàlan'ny fahaverezana, tamin'ny alàlan'ny aretina, tamin'ny alàlan'ny alahelo, tamin'ny alàlan'ny fahafatesana, nefo mbola mitsangana foana miaraka amin'ny fijoroana vavolombelona. Izany ilay lehilahy, eny, izany ilay lehilahy izay Tadiaviny. Tsy ahoako raha mahantra iray ianareo. Tsy ahoako raha mpangataka iray ianareo. Tsy ahoako raha mpitsimpom-borodamba iray ianareo. Na inona na inona ianareo, dia mametraka an'ilay fitsapana eo aminareo Andriamanitra. Mitady fitaovana voasedran'ny fotoana Izy. Mino aho, fa indray andro any rehefa io Fiagonana lehibe io...

¹³⁶ Rehefa, hoy ny siansa hoe, “Ahoana no ahafahany hanidina? Mihazona anareo eo amin'ny tany ny hery misintona.”

¹³⁷ Mahatsapa ho mpivavaka aho ankehitriny. Mamelà ahy hiteny aminareo. Ho tonga eo amin'ny fisiana io Fiagonana voasedran'ny fotoana io indray andro any. Mety matory ao amin'ny vovoky ny tany ny antsasak'izy ireo. Tsy fantatro hoe aiza no misy azy ireo, fa manana ny Fitaovany voasedra tanteraka Andriamanitra. Indray andro any dia ho avy Izy handray ny lohalaharana: “Manaraha Ahy!” Mitety an'ireo atmosfera sy stratosfera mihitsy, sy sfera ary sfera, ho ao amin'ny Fanatrehan'Andriamanitra Tsitoha no Handehanany, miaraka amin'ny Fiagonana iray voasedran'ny fotoana. Izany no tsangambato iray an'ny Fahasoavany; izany no tsangambato iray izay omen'Andriamanitra Azy.

¹³⁸ “Tsy misy olona afaka manatona Ahy raha tsy Ny Raiko no mitarika azy aloha.” Ary ny olona rehetra izay manatona an'i Kristy dia fanomezam-pitiavana iray avy amin'Andriamanitra, ary mametraka azy eo amin'ny fitsapana Kristy. Ary raha mahatanty an'ilay fitsapana izy, dia mametraka azy ao amin'ny tetezana Izy, manery azy, manome azy toerana iray, ary mametraka azy eo, mahafantatra fa hihazona hatrany amin'ny faran'ny lâlana izy. Amena. Fitaovana voasedran'ny fotoana!

¹³⁹ “Eo ambonin’ity Vatolampy ity,” tsy eo ambonin’ny vatomampin’ny fanatisma iray, tsy eo ambonin’ny andiana fientanam-po iray, tsy eo ambonin’ny andiana teolojiam-piagonana iray, tsy eo ambonin’ny anaram-piagonana iray. Fa, “Eo ambonin’ity Vatolampy mafy ity,” ny Tenin’i Kristy, “no Hanorenako Ny Fiagonako, ary ny vavahadin’ny helo tsy haharesy Azy mihitsy.” Ho eo Izy.

¹⁴⁰ Ho tsangambato iray an’ny Fahasoavany Izy, eo amin’ny fanatrehan’ireo Anjely. Rehefa nanontany Azy ireo Anjely, indray andro hoe, “Nahoana Ianao no mandeha mankany amin’ny tany?” Hiverina indray Izy ka hanolotra an’io Fiagonana io tsy misy kilema, tsy misy pentina, tsy misy fiketronana. Io ilay fitaovana. Io ilay zavatra. Ny Lazany. Tsy maintsy Ataony izany. Tsy maintsy nanao an’ilay tetezana io mpanorina tetezana io; tsy maintsy nataony izany, fa raha tsy izany dia veriny ny lazany. Hanana Fiagonana iray Kristy, ary tsy maintsy Hataony izany. Satria, tonga tetra an-tany Izy ka tonga nofo, ary nonina teo anivontsika; ary tonga fahotana, mba hahatonga antsika ho marina. Lasa isika Izy, mba isika, nohon’ny Fahasoavany, ho lasa Izy. Tonga Izy mba haka ny toerantsika, toy ny mpanota iray; mba hamela antsika haka ny Toerany, toy ny zanakalahy sy zanakavavin’Andriamanitra, eo amin’ny Fanatrehan’Ny Fiandrianany. Fahasoavan’Andriamanitra toy ny inona!

¹⁴¹ Ahoana no ahafahantsika hanao hoe, “Tsy marina ireo Teny ireo”? Ny Lanitra sy ny tany ho levona, fa ireo Teny ireo tsy ho levona mihitsy.

¹⁴² Zazalahy Indiana kely iray jamba, hariva vitsy lasa izay, jamba hatramin’izy telo—telo na efatra herinandro, nahazo ny fahitany, ara-dalàna, ary nandeha niala teo amin’ny lampihazo. Inona izany? Tsangambato iray voasedran’ny fotoana an’ny Hery sy ny fahasoavan’i Jesosy Kristy izany. Isaorana anie Ny Anarany masina!

¹⁴³ Voasedran’ny fotoana! Fizahan-toetra, olana, fanozongozonana, ary fisintonana, mba hahitana an’ireo kapoka ao aminareo fotsiny izany, mba hahitana raha misy ao. Andriamanitra manozongozona anareo sy mizaha toetra anareo izany.

¹⁴⁴ Fotoana vitsy lasa izay, i Aogosto Kaisara lehibe, taorian’ny ady malaza be iray, dia nahazo fandresena lehibe, izy...saika hanome fankalazana iray ho azy izy ireo tany Roma. Dia hoy izy tamin’izy ireo hoe, “Tiako ny lehilahy iray hitaingina, lehilahy mendrika iray, mba hitaingina eo anilako raha manao an’izany aho.” Hoy izy, “Mila lehilahy iray aho hizara an’ireo fitahiana ireo miaraka amiko.” Ary ny rehetra...Nandeha nanerana an’ireo toby izany. Ireo manam-boninahitra rehetra dia samy nanamboatra an’ireo haingony, sy nampangilatra ny sabany, ary

nanao ny fiadiany tena namiratra, sy ny zavatra rehetra, ary nizatra mijoro mahitsy, ary fiarahabana anankiray ho an'ny mpanjakany, sy ny sisa.

¹⁴⁵ Ary nandroso ny tsirairay avy, ireo fiadiany goavana teo anoloany, raha nipetraka teo amin'ny sezamiany izy, nandinika. Ary niakatra teo, ny manam-boninahitra niaraka tamin'ny haingony goavana, tsara, ny sisin'ny volom-borona fotsiny, nitsangana ary nanao ny fiarahabana azy. Nanififikika ny lohany i Kaisara; lasa izy. Tonga ny anankiray hafa, nanao ny fiarahabana. Nanififikika ny lohany i Kaisara; dia lasa izy. Fotoana aorian'ny fotoana, miaramila aorian'ny miaramila.

¹⁴⁶ Farany, teo amin'ilay laharana, tonga ny mpandeha antongotra kely iray. Tsy nanana ampinga hatao mamiratra izy, tsy nanana haingo ho diovina koa izy. Fa nanatona teo anatrehan'i Kaisara izy. Tsy fantany akory aza hoe ahoana no anaovana fiarahabana tsara iray, fa nanondrika ny lohany fotsiny izy ary lasa.

¹⁴⁷ Hoy i Kaisara hoe, “Andraso iray minitra. Iza ianao? Miverena eto.” Nanatona teo izy. Nijery azy izy. Nisy holatra teo amin'ny tarehiny, sy voadidy, sy simba tarehy, ary kilemaina. Hoy izy, “Taiza no nahazoanao an’ireo holatra ireo?”

Hoy izy hoe, “Tany amin’ny ady, niady ho an’ny tompoko, Kaisara.”

¹⁴⁸ Hoy izy, “Miakara eto ka mipetraha eto anilako. Ianao no anankiray izay voasedra sy voaporofo.”

¹⁴⁹ Rahalahy, tsy fotoan’ny fanadiovana haingo izao, tsy andron’ny fianarana izao. Fotoan’ny fotoam-pisedrana izao. Izao no fotoana iray izay itsapan’Andriamanitra Ny Fianganany mba hahitana an’ireo holatry ny ady an’ny fizahan-toetra mafy, sy tolona, ary ady. Izany no hitaingina eo Anilany.

¹⁵⁰ Toy ny ahoana no nitsapana sy nanaporofoina an’i Elisa, talohan’ny nahafahany nanao ny akanjon’ny mpaminany iray! Toy ny ahoana no nametrahan'i Elisa an'io akanjo io nanodidina ny sorony! Ahoana fa tsy maintsy ho ilay lehilahy marina izy! Nandinika azy tany an-tsaha i Elisa, rehefa niasa tany izy. Hoy Andriamanitra hoe, “Io ilay lehilahy. Io ilay lehilahy izay afaka manao an'io akanjo io. Io ilay lehilahy izay afaka mitafy an'io akanjo io. Afaka maka ny toeranao izy.”

¹⁵¹ Isaorana anie ny Anaran’ny Tompo! Ahoana fa ny Masony mahita ny rehetra dia mihetsika manerana ny tany, miezaka hahita lehilahy iray izay hitafy an'io akanjo izay Noresahiny io. “Afaka misotro ny kapoaka izay Sotroiko ve ianareo? Afaka atao batisa amin’ny batisa anaovana Ahy ve ianareo? Afaka ianareo,” hoy Izy ny amin’izany.

¹⁵² Noho izany, isika, androany, amin’ny maha-ilay Fianganana, dia tokony hitafy ny akanjon’i Kristy ianareo; ny fiadian’i

Kristy manontolo, ny ampinga manontolo sy ampingabe, ary ny fiadiana, mba ahafahantsika hitsangana tsy manan-tsiny amin'izany Andro izany. Mitady tsangambato voasedran'ny fotoana Izy, mba Ahafahany manao hoe, "Io ny Mpanompoko. Nitsapa azy Aho. Nizaha toetra azy Aho. Nampandalo azy Aho, tahaka an'i Joba. Mbola manaporofa zato isan-jato foana izy." Hamindra fo amintsika anie Andriamanitra, mba ahafahantsika mandray an'Andriamanitra amin'Ny Teniny, ka ho tsangambato voasedran'ny fotoana.

Ndao isika hivavaka.

¹⁵³ Ray isaorana, misaotra Anao izahay, Andriamanitra Masina Indrindra, avy amin'ny tena halalin'ny fonay, ny amin'ny fotoan'ny fitsapana, ny fizahan-toetra rehetra. Tsy mahatsapa ho malahelo izahay ny amin'izy ireny, Tompo, fa mankasitraka izahay fa ny Fahasoavana dia ampy mba hanampy anay mandritr'ireo fotoan'ny fizahan-toetra lehibe ireo.

¹⁵⁴ Tahaka an'ilay lehilahy, izao hariva izao, ahoana fa nampientam-po ny mpanatrika izany, rehefa nilaza izy hoe, *Fahasoavana Mahagaga*, ary rehefa tonga teo amin'io andininy anankiray io izahay!

Tamin'ny alàlan'ireo loza maro, asa mafy sy fandrika,
No efa nandalovako;
Fahasoavana no nitondra ahy ho voavotra hatramin'izao,
Fahasoavana no hitondra ahy.

¹⁵⁵ Oh, nampientam-po ny fon'ny olona izany! Mino izahay fa nilahatra tamin'ny Hafatra izany izao hariva izao, hoe izany no fotoan'ny fitsapana, tamin'ny alàlan'ireo loza, asa mafy ary fandrika. Izany dia mba hanampiana ny Kristiana, ilay anankiray izay nandinika ny tenany ankehitriny ka mahafantatra fa nitsangana nahatoky izy, nohon'ny fahasoavan'Andriamanitra. Izany dia mba hitondra henatra ho an'ireo izay lavo, sy ireo ambony-sy-ambany, sy tsy miraharaha, ary fiainana malalaka. O Andriamanitra, tsy misy holat'ady iray mba hanehoana an'ilay ady akory aza. Mivavaka izahay izao hariva izao, Tompo, mba Hanamasinanao an'ilay Fiagonana, amin'Ny Rànao masina lehibe, ka hanadio ny kapoka rehetra hiala, sy ireo faritra malemy rehetra, ary—ary ny tady ratsy rehetra. Ampandalovy amin'ireo milina indray izy ireo, ary—ary amboary indray izy ireo, Tompo, ary—ary ataovy fitaovana izy ireo. O Ray Mandrakizay sy isaorana, henoy ny vavaky ny Mpanomponao.

Ary raha mbola manondrika ny lohantsika isika.

¹⁵⁶ Raha misy olona tahaka an'izany izao hariva izao, izay hahatsapa fa Andriamanitra, amin'izao fotoan'ny fitsapana izao, dia tsy mbola nahita anareo nahatoky teo amin'ny

toeran'andraikitra mihitsy. Rehefa tonga ireo adi-hevitra, na mitsambikinaavy hatrany ianareo ary mandray anjara amin'izy ireo? Rehefa tonga ireo fifandirana, rehefa ny tsy firaikena, rehefa tonga ireo fahasamihafana ao amin'ny fiangonana, dia miandany amin'ireo antokom-pivavahana sy vondrona kely ve ianareo, sy ny sisa tahaka an'izany? Mihaino fifosana eny andàlambe sy manerana an'ireo toerana ve ianareo? Raha meloka amin'izany ianareo, dia efa nophotehin'ny famelezan'ny devoly ianareo, ndao isika hiverina any amin'ny lafaoro, izao hariva izao, ka hatsonika indray, ary mivoaka tsy manana azy ireny ao amintsika. Avelao Andriamanitra hanisy kofehy antsika ary hanao antsika ho vonona ho amin'io Tetezana lehibe io mba handray Ny Fampakarany. Raha misy olona tahaka an'izany eto, ka te-ho tsarovana!

¹⁵⁷ Hoy ianareo hoe, “Rahalahy Branham, ahoana no hahafantarako fa hahatanty io tsangambato tsy mety maty, Mandrakizay io?”

¹⁵⁸ Hanonona aminareo Ny Teniny aho, araka ny Jaona 5:24. “Izay mandre Ny Teniko.” (Tsy hoe “Mandeha any amin’ny Sekoliko.”) “Izay mandre Ny Teniko, ka mino Izay naniraka Ahy, no manana ny Fiainana Mandrakizay, ary tsy ho tonga amin’ny fitsarana mihitsy; fa efa tafafindra avy tamin’ny fahafatesana ho amin’ny Fiainana.”

¹⁵⁹ Afaka mandre Ny Teniny miantso anareo ve ianareo, izao hariva izao? Raha afaka ianareo, ary tianareo ny hotsarovana amin’ny vavaka, dia hanangana ny tànanareo ve ianareo. Manaova hoe, “Rahalahy Branham, mivavaha ho ahy fotsiny. Te-ho ilay karazana fitaovana tsara aho, ka rehefa mamoaka Ny Fiangonany Kristy, mba tsy ho izaho no...” Andriamanitra hitahy anao, tompoko. “Tsy hangozohozo ny amin’izany aho, Hapetrany ao am-Piagonana mihitsy aho.” Andriamanitra hitahy anao, ry lehilahy tanora. Andriamanitra hitahy anao, ranabavy. “Izaho te-ho...” Andriamanitra hitahy anao, rahalahy. “Te-ho ilay karazana fitaovana tsara aho.” Andriamanitra hitahy anao, ry ankizy kely ery aoriana ery. Andriamanitra hitahy anao eto, ry rahalahy malalako. “Te-ho hita ho tena fitaovana aho. Tiako ny ho afaka hanome fijoroana vavolombelona ny amin’ny fanantenana izay mipetraka ato anatiko; ny fanantenana!” Andriamanitra hitahy anao, ranabavy. Tsara izany. Marina izany.

“Inona no ataon’izany, Rahalahy Branham, amin’ny fananganana ny tànako?”

¹⁶⁰ Mifindra avy amin’ny fahafatesana ho amin’ny Fiainana ianareo. Izany no ataonareo. Mandika ny lalàn’ny fisintonana rehetra ianareo, eo mihitsy. Hitanareo, raha olona savoka iray fotsiny ianareo mipetraka eo, dia tsy afaka hanangana ny tànanareo mihitsy ianareo. Tsy afaka hanao an’izany ianareo. Fa

izany dia maneho fa misy fanahy iray ao anatinareo, fanahy iray, ary io fanahy io no nandre ny Fanahin'Andriamanitra niresaka taminareo. Ary io fanahy izay ao anatinareo io no nandray fanapahan-kevitra iray, noho izany dia manohitra ny siansa izy. Manohitra ny fisintonana izy. Mitsangana izy, maneho fa misy fanahy iray ao anatinareo, afaka manangana ny tànanareo. Raha maty ianareo, dia tsy afaka hanao an'izany, fa tonga amin'ny Fiainana ianareo. Nisy zavatra nitranga.

¹⁶¹ Raha maty amin'ny fahotana sy ny heloka ianareo, dia tsy afaka miresaka aminareo intsony Andriamanitra, hijanona hidina ny tànanareo. Raha tsy maty ao amin'ny fahotana sy ny heloka ianareo, ka afaka miresaka aminareo Andriamanitra, ary mandray Fiainana ianareo, dia hanangana ny tànanareo ianareo. Hitanareo, izany no maneho fa nandray fanapahan-kevitra iray ny Fiainana, nanaiky an'i Kristy ianareo. "Tafafindra avy tamin'ny fahafatesana ho amin'ny Fiainana ianareo," raha entitra amin'izany ianareo.

¹⁶² Aoka ho entitra amin'izany ankehitriny, raha manangana ny tànanareo ianareo. Manaova hoe, "Andriamanitra, mamindrà fo amiko, ataovy amin'izay tokony haha-izy ahy aho. Ary hanompo Anao mandritry ny fiainako aho. Te-ho hita vonona aho amin'izany andro izany." Ny fitahiana ho amino, ry rahalahy malalako ery aoriana ery. Andriamanitra hitahy anao, ry lehilahy tanora. Andriamanitra hitahy anao, eo ry rah-... Homba anao anie Andriamanitra. Andriamanitra hitahy anao, malala. Eny àry, olon-kafa iray. Andriamanitra hitahy anao eto, Rahalahy Roy, ary homba anao anie ny Tompo. Eny. "Tompo, ataovy hita mendrika aho. Ataovy hita mendrika aho." Andriamanitra hitahy anao, ry rahalahiko eny amin'ny farany aoriana. Izany tokoa, mahita anao Andriamanitra. Mifalia. Misy olon-kafa te-ho tsarovana amin'ny vavaka ve izao ankehitriny izao? "Ataovy aho . . ." Eny àry. Ndao isika . . .



*IREO TSANGAMBATON'ANDRIAMANITRA
VOASEDRAN'NY FOTOANA MAG57-0818*
(Time-Tested Memorials Of God)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 18 Aogositra, 1957, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org